

1. პროგრამის სახელწოდება: ებრაულ-არამეული ფილოლოგია

2. პროგრამის ხელმძღვანელი: ასოცირებული პროფესორი მარიამ ჩაჩიბაია

3. მისანიჭებელი აკადემიური ხარისხი: ფილოლოგიის მაგისტრი. MA in Philology (Hebrew-Aramaic Philology)

4. პროგრამაზე დაშვების წინაპირობა:

- ნებისმიერი სპეციალობის (სასურველია ჰუმანიტარულ მეცნიერებათა და სამართალმცოდნეობის) ბაკალავრის ხარისხი;
- სამაგისტრო პროგრამაზე დაშვება შესაძლებელია მხოლოდ ერთიანი სამაგისტრო გამოცდის ჩაბარების შემთხვევაში.
- სასურველია მონაწილეობა ჰქონდეს მიღებული სამეცნიერო კონფერენციების მუშაობაში, თუ გავლილი აქვს სტაჟირება საზღვარგარეთის ქვეყნების რომელიმე უნივერსიტეტში, წარმოადგინოს შესაბამისი სერტიფიკატი, თანაბარი ქულების მოპოვების შემთხვევაში, სასურველია გათვალისწინებულ იქნეს აღნიშნული მონაცემები.
- სამუშაო გამოცდილება არ არის სავალდებულო.

5. სამაგისტრო პროგრამის საკვალიფიკაციო დახასიათება:

მიზნები:

ებრაისტიკა-არამეისტიკა აღმოსავლეთმცოდნეობის, კერძოდ, სემიტოლოგიის ტრადიციული დარგია, როგორც მსოფლიოს წამყვან ორიენტალისტურ ცენტრებში, ასევე საქართველოში. მსოფლიოს რეალური თუ პროგნოზირებადი განვითარება განსაკუთრებულ მნიშვნელობას ანიჭებს აზიისა და ჩრდილოაფრიკულ კვლევებს ისტორიულ, კულტურულ, ეკონომიკურ და პოლიტიკურ ასპექტში, რეგიონული და გლობალური, ტრადიციული და თანამედროვე თვალსაზრისით.

სრულიად განსაკუთრებულია საქართველოს მრავალსაუკუნოვანი ურთიერთობა ახლო აღმოსავლეთის ქვეყნებთან. განუზომლად დიდია ებრაული და არამეული ენების მნიშვნელობა ქართული კულტურის ისტორიისათვის, რაც მეტად თვალსაჩინო გახდა მცხეთის არქეოლოგიური გათხრების შედეგად. ცხადია, როგორც ებრაულის, ისე არამეული ენების შესწავლა ქართველოლოგიის პრინციპებიდან გამომდინარეობს. ამ ენების შესწავლისადმი ინტერესი არის არა მხოლოდ საკუთრივ ებრაული თუ არამეული ენების სტრუქტურისა და ისტორიის კვლევა, არამედ მათი შესწავლა უწინარესად იმდენად, რამდენადაც ეს სჭირდება ჩვენი კულტურის ისტორიას, იქნება ეს ქართული ენის, ქართული დამწერლობის ისტორია თუ ქართული კულტურის ისტორიის საკითხები.

მსოფლიო აღმოსავლეთმცოდნეობა ამჟამად ახალ ეტაპზე გადის. გლობალიზაციის ეპოქა, თავისი ჯერ კიდევ ნაკლებად შესწავლილი პოზიტივითა და ნეგატივით, ახალი შინაარსით ავსებს როგორც მსოფლიო, ისე ქართულ აღმოსავლეთმცოდნეობას და ეს ვითარება აუცილებლად გასათვალისწინებელია. დღეს აღმოსავლეთის ქვეყნებს (მათ შორის ისრაელსა და არაბულ ქვეყნებს) აქვთ პლანეტის მომავალზე გავლენის დიდი პო-

ტენციალი. ამიტომ აღმოსავლეთმცოდნეობის ზოგადად, და კერძოდ სემიტოლოგიის მნიშვნელობა კარგა ხანია გასცდა "აკადემიური ცნობისმოყვარეობის" ჩარჩოებს, დღეს ის - სტრატეგიული მეცნიერებაა.

საქართველოს საერთაშორისო ურთიერთობებში აქტიური ჩართვა გარკვეულწილად განაპირობებს აღმოსავლეთმცოდნეთა, მათ შორის ებრაისტ-არამეისტების მომავალი თაობისათვის, როგორც ტრადიციული, ისე თანამედროვეობის შესაბამისი განათლების მიღებას.

სამაგისტრო პროგრამის აქტუალობას უდავოდ განაპირობებს საქართველოში მნიშვნელოვანი ებრაული და არამეული დიასპორების არსებობა.

წინამდებარე სამაგისტრო პროგრამა მიზანად ისახავს სპეციალისტების მომზადებას მსოფლიოს წამყვან ორიენტალისტურ ცენტრებსა და უნივერსიტეტებში დამკვიდრებული საერთაშორისო სტანდარტების შესაბამისად.

შედეგები: ფილოლოგიის მაგისტრი ებრაულ-არამეული ფილოლოგიის სპეციალობით საყოველთაოდ აღიარებული ქართული სემიტოლოგიური სკოლის ტრადიციების გამგრძელებელია. ის გააღრმავებს ბაკალავრიატში შეძენილ ცოდნას და მაგისტრატურაში სწავლის პერიოდში გამოიმუშავებს სათანადო უნარ-ჩვევებს როგორც სამეცნიერო, ისე პრაქტიკული საქმიანობისათვის.

სამაგისტრო პროგრამის კურსდამთავრებული შეძლებს ებრაულ-არამეული ენებისა და ლიტერატურის სფეროში შეძენილი ცოდნის გამოყენებას კონკრეტული სამეცნიერო-პრაქტიკული, საინფორმაციო-საძიებო, მეთოდოლოგიური და სხვა ამოცანების გადაწყვეტისას; მათ შეეძლებათ სამეცნიერო-კვლევითი სამუშაოს დაგეგმვა, ორგანიზება და წარმართვა, ენობრივი და ლიტერატურული მოვლენებისა და პროცესების არსისა და გენეზისის კრიტიკული შეფასება.

სამაგისტრო პროგრამის კურსდამთავრებული ებრაულ-არამეული ფილოლოგიის სპეციალობით შეძლებს წარმატებით გაართვას თავი სამეცნიერო-კვლევით მუშაობას ბიბლიესტიკის სფეროში, ებრაული და არამეული ენების სტრუქტურისა და ისტორიის, შედარებითი სემიტური ენათმეცნიერების, ბიბლიის ებრაულსა და ბიბლიის არამეულში, სემიტურ-ქართულ ენობრივ და ლიტერატურულ ურთიერთობებში, ტექსტოლოგია-სა და ტექსტუალურ კრიტიკაში და ებრაულ და არამეულ ეპიგრაფიკაში; ასევე ქართველ და ახლო აღმოსავლეთის ხალხთა ენობრივი და კულტურულ-ისტორიული ურთიერთობების შესწავლაში.

დასაქმების სფეროები: საქართველო-ისრაელის კეთილმეზობლური ურთიერთობის ფონზე ებრაულ-არამეული ფილოლოგიის მაგისტრი მნიშვნელოვანი ფიგურა ხდება. დღეს საქართველოში მრავალი ებრაული და ქართულ-ებრაული ორგანიზაცია არსებობს, ამდენად კვალიფიციურ ებრაისტზე მოთხოვნა დიდია.

პროგრამის კურსდამთავრებულები შეიძლება დასაქმდნენ როგორც თარჯიმნები, ექსპერტები, ანალიტიკოს-ექსპერტები, მეცნიერ-მკვლევარები

აკად. გ. წერეთლის სახელობის აღმოსავლეთმცოდნეობის ინსტიტუტში,

აკად. ვ. კვეციანიძის სახელობის ხელნაწერთა ცენტრში, ივ. ჯავახიშვილის სახელობის ისტორიისა და ეთნოლოგიის ინსტიტუტში,

არქეოლოგიური კვლევის ცენტრში,

არნ. ჩიქობავას სახელობის ენათმეცნიერების ინსტიტუტში,
შ. რუსთაველის სახელობის ქართული ლიტერატურის ინსტიტუტში,
მუზეუმებში,
საელჩოებსა და საგარეო საქმეთა სამინისტროში,
რადიოსა და ტელევიზიაში,
ჟურნალ-გაზეთების რედაქციებსა და გამომცემლობებში,
ბიბლიოთეკებში,
საქართველოს საპტრიარქოსთან არსებულ სასულიერო აკადემიასა და სემინარიაში,
არასამთავრობო სტრუქტურებში.

სწავლის გაგრძელების საშუალება: მაგისტრს შეუძლია სწავლა განაგრძოს დოქტურანტურაში.